

Go Ci Mbawfaex Nuengx Eufwen

□ Lij Soujhan / 李守汉

Aen rek aeu miz fa,
Aen gyong miz laz boiq,
Ci mbawfaex ra doih,
Coi nuengx okdaeuj eu.

Sing fwen rwenzrwdrwd,
Duzdangh fwt bienq lungz,
Go nuengx ndaej doxbungz,
Lumj rumzcin ci naj.

Daeggo ci mbawfaex,
Dahnuengx ndaejnyi sing,
Caenh angq youq ndawsim,
Di ning hix mbouj nyienh.

Daeggo ci mbawfaex,
Dahnuengx gyaез henz dingq,
Faenh cingzeiq baenz cingh,
Eufwen nyinhaen dap.

Daeggo ci mbawfaex,
Dahnuengx gyaез eufwen,
Aen sing doh ronghndwen,
Menhmenh lwenz ndawsim.

Daeggo ci mbawfaex,
Dahnuengx gyaез daeuj gaen,
Bak van lumj dangz gaem,
Nyienh baenzciuh mbouj liz.

Daeggo ci mbawfaex,
Dahnuengx gyaез eufwen,
Aen sing gizgiz cienz,
Cam nuengx nyienh haq lwi?

Daeggo ci mbawfaex,
Nazreih haeux cungj ndei,
Nuengx sou haeux ma seiz,
Guh laeuj bae soengq go.

Daeggo ci mbawfaex,
Dahnuengx eufwen caeuq,
Sing fwen cienz gvaqdaeuj,
Ndawsim raeuj lumj feiz.

Daeggo ci mbawfaex,
Dahnuengx gyaез eufwen,
Goengq bya diuz dah rwenz(daenh),
Gij sing cienz ndaw doengh.

Daeggo ci mbawfaex,
Dahnuengx daeuj guhdoiь,
Byaek ndaw suen maj oiь,
Ndaw reih oiь maj sang.

Daeggo ci mbawfaex,
Byaleix diuq ok dah,
Danghnaeuz nuengx rox va,
Dawz ma daemz raeuz ciengx.

Daeggo ci mbawfaex,
Iu nuengx bae guh doengz,
Lumj duzroeg caemh ndoeng,
Caez roengzrengz cauh ranz.

Daeggo ci mbawfaex,
Naz caeuq reih bienq ndei,
Dangh nuengx miz sim'eiь,
Daeuj caeuq beix guhcaemz.

Daeggo ci mbawfaex,
Nuengx dingq ndaej sim maez,
Ndaej caeuq go doxgyaez,
Nem lumj ceiz caeuq faengx.

Daeggo ci mbawfaex,
Nazreih cungj bienq gim,
Dangh nuengx caen mizsim,
Gij cingz neix naekned.

Daeggo ci mbawfaex,
Nuengx rox geiq ndawsim,
Nyienh bienq doq bienq dinz,
Doengzcaez mbin guhdoiь.

Daego ci mbawfaex,
Nuengx dingq ndaej hozcaez,
Dangh raeuz ndaej doxgyaez,
Nem lumj ceiz haeuxcid.

Daeggo ci mbawfaex,
Nuengx aeu geiq daengz mwngz,
Song raeuz fwngz gaem fwngz,
Dai roengz gumz mbouj gveng.

Daeggo ci mbawfaex,
Nuengx dingq ndaej sim vuen,
Haibak daeuj eufwen,
Siengj doxbuenx ciuh vunz.

Daeggo ci mbawfaex,
Nuengx roxleix cibfaen,
Caez aeu sim doxgaen,
Cingz'eiь caen vah caen.

Daeggo ci mbawfaex,
Nuengx dingq ndaej doenghsim,
Doxrex caez yamq din,
Cingz beij rin lij naek.

Daeggo ci mbawfaex,
Rox simsaeh daeggo,
Nuengx sing fwen doh bo,
Rum maj coz(caz) doek coz(caz).

Daeggo ci mbawfaex,
Sing deiь ciь viь cingz,
Dangh nuengx hix mizsim,
Gvaqdaeuj ging yaep he.

Daeggo ci mbawfaex,
Dahuengx ngeix fwen riengz,
Sim go yied diuq bieng,
Siengj cam nuengx nyienh lwi?

Daeggo ci mbawfaex,
Nuengx rox ndaej cibfaen,

Caez aeu sim doxgaen,
Doxaeu laeng gvaq ngoenz.

Daeggo ci mbawfaex,
Dahnuengx geiq ndawsim,
Fwen dahnuengx mbouj dingz,
Gij din go mbouj yamq.

Mwngz geiq gou hix geiq,
Fanь seiь mbouj doxliz,
Caez gyaеuj ninz bak bi,
Dai le giz ndeu cangq.

Raeuz faenmingz doxgyaez,
Gaej hawj sei duenh ngaеux,
Daihfueng bae damzyoux,
Boux gyaез boux ciь van.

Yied gangj lai miz lai,
Camh baiz daengz neix ceij(sat),
Dangh song raeuz miz eiь,
Gaej hawj sei duenh ngaеux.

Sing fwen cungj mbouj duenh,
Raeuz ciengzlwенx doxndei,
Miz cingz youh miz eiь,
Giet bak seiь gvanbaz.



Bineix seizcou bouxguhnaz Vanzgyangh angqyangz sou haeux.

Hoz Suilingz ingj.

Lungz Byauh hainduj byomreuq lo, baenzgoenz lumj vut hoenz le nei, naiqnueknuek, daxmeh de dauqcawq viь de cam saenz gouz baed caeuq boekgvaq, cawx ywbouj hawj de bouj yingzyangj, hoeng dwk yw mbouj deng bingh, mbouj miz saekdi yungh.

“Lungz Byauh ha, daeuj, caeuq daxmeh gangj lauxsaed.” Miz ngoenz ndeu, daxmeh de rag de daengz henz ndang, lumj lumh daeglwg ngamq ndaej haj roek bi nei unqswnh doxndiep cam de: “Dwg mbouj dwg siengj aeu bawx lo? W!”

“.....”

Hoz Lungz Byauh najmong ndaej hoengzfwgfwg hwnjdaeuj, mbouj rox yaek baenzlawz dap daxmeh de cijndei.

“Mwngz mbouj han, couhdwg siengj lo!” Daxmeh de gig angqyangz nunu lwgda gaeq naeuz: “Mwngz yawj daxmeh ngawz lai lo, lwg majhung lo,

•Sawcuenhrael Lwgnyez•

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

gou baenzlawz cungj siengj mbouj daengz ne? Ngoenzcog, gou couh bae dak Buzsimjsam bae, yawjyawj seiqhenz miz dahsau ranz lawz sawmingh caeuq mwngz doxhab.....”

“Meh!” Lungz Byauh dajduenh giь vah daxmeh, lwnh naeuz: “Mbouj dwg, mwngz ngeix loek lo——”

“Lwg, meh ngeix deng lo, mbouj loek!” Daxmeh de riunyumnyum byaij deuz lo.

Lungz Byauh nyengh ndwn youq gizde, de rox caeuq daxmeh gangj maz

ne? Daxmeh cai ndaej deng, hojsik ciь cai deng le dingz ndeu ndwi, daxmeh baenzlawz rox de gaenq maez boux dahsau lwgda hung he ne? Dangh-naeuz daxmeh caen dak ndaej Buzsimjsam boux guh mehmoiz bae ranz dahsau haenx guhmoiz, de couh angq ndaej yaek gvih roengzdaeuj baiь daxmeh lo!

Hoeng, de ngamq caeuq daxmeh baenzde naeuz, youh baenzlawz caiь haibak ne? Caiь gangj, dahsau haenx singq maz, heuh maz? De cungj mbouj

rox saekdi, youh daj gyawz gangj ne?

Siengj daengz doenghgij neix, Lungz Byauh gietsim aeu caenn dang bae caz aen coh dahsau haenx okdaeuj, baenzneix hix ndei lwnh hawj Buzsimjsam daengz ranz de bae guhmoiz.

Yienghneix, gyanghaet ngoenz daihngеih, gyanghaet daihsam, gyanghaet daihseiь..... De youh daengz aen mbanj henz dah bae ra dahsau haenx.

(caengz sat)